

Windmill Cottage, Hog Hill,

Winchelsea, Sussex.

Aug. 26. X. 1916.

Caro Amico,

Me vole libenter laborare pro successu de Interlingua, sed es difficilissime persuadere redactores de diurnales in Anglia notare alios eventos quam politicos, modos, et ludos. Totos subjectos de valore, ut eruditio, doctrina, et speciale lingua alieno es doctrina prohibito et vetato, et sole admissio quum es specioso et subjecto de colloquio ordinario. Si me scribe ad diurnales de isto, publicator semper suppose que meo profito es sole causa, ben que me numquam habe facto isto in tota mea vita, sed habe invariabile expenso meo moneta pro bene de alteros. Incluso es bonos domicilios pro pauperes, "Garden Cities" in bello campania, vice horrible casas in fumosos urbes de Anglia, et in Australia, per quos habe expenso multos milles de argento cum sperantia de facere ad minus sufficiento profito per pacare expensos, sed semper cum perditio de capitale in vice de beneficio. Numquam, me crede, existat persona quo habe expenso tanto moneta (in proportione) de suo privato fortuna pro bene de extranieros sed sine non solo profito pro de sed etiam sine beneficio pro proposito acceptores de beneficio grande intendo per me!

Me habebat multo desiderio, ad tempus de tuo initio
de studio de H. deoveru meo vita ad propaganda de
isto lingua, quo es longe illo plus sensibile et rationale
de omnes qui es adhuc invento, et me initiaba per tra-
ductione de dictionario quo esaba multo plus correcto et
facile comprehenso quam illo que Societate de Interlingua
finalmente adoptaba, in quo multo verbas anglo era
vitiosu aut pravo, tanto que anglos ipsos non poteva
comprehendere illos, dum correctos era jam dudum
prompto. Illos facieba libro multo brevior et plus facile
pro studentes. Me capi plurimo septimanas pro finire
illo labore sed era rejecto ben que me non poteva com-
parcere tanto tempore tunc ut in praesente hora, nam era
multo occupato in depingere picturas de, non solo hic
in Anglia sed atque in Francia, Germania, et Italia. Hic
labor non posso nunc addicere ad illo arte, nam non habe
tanto tempore et sum claudu et idcirco posso sedere plus
quam ambulare et depingere vitas. Sum etiam veter
(176), et tu pote plus facile quam ego invenire homines
juvene, strenuo, et erudito, pro scribere literas propagativas.

Me regreta multo non videre te quando me et duo meas
filias visita Torino. Me ^{vole} scribe ad diurnales de Interlingua
como Miss Pankhurst, et misso ad te pro studiare.
E. A. Phipson.